

**Broj: 01-05-6-03518-7/2019**  
**Sarajevo, 02.09.2019. godine**

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja Preporuke Komisije za javne nabavke 01-05-6-03518-6/2019 od 30.08.2019. godine, Direktor Federalne uprave za inspekcijske poslove, u ime ugovornog organa donosi

### **ODLUKU**

#### **o izboru najpovoljnijeg ponuđača i dodjeli ugovora**

#### **Član 1.**

Prihvata se preporuka Komisije za javnu nabavku broj 01-05-6-03518-6/2019 od 30.08.2019. godine, te se ugovor o javnoj nabavci usluga servis i održavanje vozila LOT 1 Federalne uprave za inspekcijske poslove dodjeljuje ponuđaču „Triab“ d.o.o. Sarajevo, koji je nakon provedenog postupka konkurentskog zahtjeva za dostavljanje ponuda uz primjenu e-aukcije ponudio najnižu cijenu tehnički zadovoljavajuće ponude u iznosu od 1.949,19 KM, odnosno 2.280,55 KM sa uračunatim PDV-om.

#### **Član 2.**

Ugovor sa ponuđačem „Triab“ d.o.o. Sarajevo, zaključit će se pod slijedećim uslovima:

- **Ukupna cijena bez uračunatog PDV-a 1.949,19KM, odnosno 2.280,55 KM sa uračunatim PDV-om**
- **Isporuka usluge će se vršiti sukcesivno u skladu sa potrebama Ugovornog organa**
- **Ugovor će se zaključiti na period od 1 godine od dana zaključivanja istog**
- **Rok plaćanja je 30 dana od dana prijema mjesečne fakture na protokol Ugovornog organa.**

#### **Član 3.**

Po okončanju žalbenog roka ugovorni organ će sa izabranim ponuđačem zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

#### **Član 4.**

Ova odluka će se objaviti na web stranici Federalne uprave za inspekcijske poslove.

### **O b r a z l o ž e n j e**

Na osnovu odluke direktora Federalne uprave za inspekcijske poslove broj 01-05-6-03518/2019 od 11.07.2019. godine Uprava je pokrenula postupak konkurentskog zahtjeva za dostavljanje ponuda uz primjenu e-aukcije za nabavku usluga opravka i servis službenih vozila Uprave. Obavještenje o javnoj nabavci broj 1292-7-2-9-3-8/19 je objavljeno na Portalu javnih nabavki dana 01.08.2019. godine

Dana 23.08.2019. godine Komisija za javne nabavke ugovornog organa je izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda broj 01-05-6-03518/2019-1 koji je putem pošte odmah upućen ponuđačima. Na javnom otvaranju ponuda je konstatovano da su svoje ponude blagovremeno dostavili ponuđači „Connecta“ d.o.o. Sarajevo, „Triab“ d.o.o. Sarajevo i Grupa ponuđača „Porsche Inter AutoBH“ doo Sarajevo i „PorscheBH“ d.o.o. Sarajevo.

U Zapisniku sa otvaranja ponuda je utvrđeno da su navedeni ponuđači ponudili tražene usluge po cijenama, kako slijedi:

1. "Connecta" d.o.o. Sarajevo, sa ukupnom cijenom ponude od 2.215,11 KM bez PDV-a, odnosno sa PDV-om 2.591,68 KM,
2. Grupa ponuđača „Porsche Inter AutoBH“ doo Sarajevo i „PorscheBH“ d.o.o. Sarajevo sa ukupnom cijenom ponude od 2.351,22 KM bez PDV-a, odnosno sa PDV-om 2.750,93 KM,
3. „Triab“ d.o.o. Sarajevo, sa cijenom od 1.949,19 KM bez PDV-a, odnosno 2.280,55 KM sa PDV-om.

Dana 23.08.2019. godine Komisija je izvršila analizu pristiglih ponuda provjerom sadržaja i validnosti dokumentacije koju se ponuđači dostavili, te je tom prilikom konstatovala da su oba ponuđača dostavili kompletnu traženu dokumentaciju kojom dokazuju da ispunjavaju uvjete postavljene u postupku nabavke.

U daljem toku postupka, Komisija je izvršila provjeru računske ispravnosti ponude ponuđača, te tom prilikom nije utvrdila bilo kakve nedostatke računske prirode.

E – aukcija je u ovom postupku zakazana za dan 29.08.2019. godine sa početkom u 12,00 sati. Nakon provedenog postupka e-aukcije komisija je izvršila uvid u Izvještaj o toku i završetku e-aukcije i tom prilikom konstatovala da su ponuđači ostali kod svojih prvobitnih ponuda.

Imajući u vidu naprijed navedeno, Komisija je direktoru uprave dala preporuku da donese odluku kojom će ugovor dodijeliti ponuđaču „Triab“ d.o.o. Sarajevo.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke Komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



Dostaviti:

1. "Conecta" d.o.o. Sarajevo, Džemala Bijedića 172b, 71000 Sarajevo
2. „Triab“ d.o.o. Sarajevo, Alipašina bb, Bare Šip, 71000 Sarajevo
3. Grupa ponuđača „Porsche Inter AutoBH“ doo Sarajevo i „PorscheBH“ d.o.o. Sarajevo, Bulevar Meše Selimovića broj 16, Sarajevo
4. Sektor za materijalno-finansijske poslove
5. Sektor za tehničku podršku i plansko-analitičke poslove
6. Komisija za javne nabavke (a/a).